

## **Rapport dalla sessiun dil cussegl da vischnaunca dils 26-08-2019**

### **Tractanda 1**

### **Approbaziun dil protocol dalla sessiun dils 29-05-2019**

**Il protocol dalla sessiun dils 29-05-2019 vegn approbaus en votaziun unanima cun engraziament.**

### **Tractanda 2**

### **Damonda da credit per la sanaziun dalla piazza da giugs**

La piazza da giugs sper l'OGNA ha basegns d'ina sanaziun. Ils indrezs da termagliar ein vegls e per part ei la segirtad buca pli garantida. Il contuorn sto vegnir schubergiaus e refrestgentaus.

Suenter haver examinau differentas variantas ei beinspert semussau che la sanaziun sto vegnir dada en mauns professiunals. La suprastonza communal ha incaricau la fatschenta HINNEN Spielzeuggeräte AG d'elaborar in concept per la sanaziun. Il concept ei vegnius discussiunus ed adattaus pliras ga. Ils cuosts ein calculai sin rodund frs. 150'000.-. Suenter la sanaziun controllescha la fatschenta mintga onn ils indrezs e stabiliments. Cun la sanaziun ei planisau d'entscheiver igl atun 2019.

**Il cussegl da vischnaunca conceda cun 13 : 2 vuschs in credit da frs. 150'000.- per la sanaziun dalla piazza da giugs.**

La decisiun vegn tenor artechel 19 lit. b dalla constituziun communal suttamessa al referendum facultativ.

### **Tractanda 3**

### **Pusseivladad da tschentar damondas**

Dalla pusseivladad da tschentar damondas vegn fatg diever.

### **Per il cussegl da vischnaunca**

La presidenta  
Rita Wolf

L'actuara  
Sandra Gautschi